

**Ministarstvo unutrašnjih poslova Kantona Sarajevo**, ulica La Benevolencija broj 16, koje zastupa ministar mr. Ismir Jusko, (u daljem tekstu: Kupac) i

**“PlanPlus d.o.o. Zenica**, ulica Dr. Hasana Muminagića broj 2-a, koje zastupa direktor Beris Čančar (u daljem tekstu: Prodavac)

zaključili su:

## UGOVOR o nabavci štampanog materijala

### Član 1.

Predmet ugovora je nabavka štampanog materijala za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka uz primjenu e-aukcije, a na osnovu Odluke broj 01-11-4-2520 od 14.05.2020. godine i Obavještenja o nabavci broj 1364-1-1-44-3-41/20 od 10.06.2020. godine.

Ugovor se zaključuje u skladu sa uslovima iz tenderske dokumentacije, ponudi Prodavca i odredbama Okvirnog sporazuma broj 01-11-4-2520-5 OS od 09.10.2020. godine i stvarnim potrebama Kupca.

Ponuda Prodavca broj 170/20 za LOT 1 kao i Izvještaj o toku i završetku e-aukcije od 24.07.2020. godine, su sastavni dio ugovora.

### Član 2.

Robe iz člana 1. ovog ugovora će se isporučivati sukcesivno, prema narudžbama Kupca, u zavisnosti od potreba istog, a ukupna vrijednost ovog ugovora, bez PDV-a iznosi 5.960,00 KM (pet hiljadadevetstotinašezdeset i 00/100 KM), za LOT 1 - Listovni obrasci.

Prodavac se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ugovora vršiti isporuku roba iz člana 1. ugovora za potrebe Ministarstva unutrašnjih poslova Kantona Sarajevo.

### Član 3.

Prodavac se obavezuje da će isporuku robe izvršiti u roku 3 (tri) dana od prijema narudžbenice.

### Član 4.

Kupac će ugovorenu cijenu plaćati u roku od 60 (šezdeset) dana po dostavljanju fakture.

### Član 5.

Prodavac se obavezuje da ugovorene robe isporuči prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke.

### Član 6.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

#### Član 8.

Ugovor stupa na snagu danom potpisivanja ovlaštenih predstavnika i traje 12 (dvanaest) mjeseci, odnosno do realizacije ugovorenog iznosa, a najduže do isteka važenja okvirnog sporazuma.

#### Član 9.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC

~~PlanPlus d.o.o. Zenica~~

\_\_\_\_\_  
Beris Čančar

Broj: 105/20

Datum: 09. 10. 2020

~~KUPAC~~

~~MUP KANTONA SARAJEVO~~

\_\_\_\_\_  
Ministar, mr. Ismir Jusko

Broj: 01-11-4-2520-6

Datum: 09. 10. 2020